

واقع أليم

كان عندى حالة وفاة
وهى ديه سنه الحياة
نبتديها بـ أأاه وتنتهى بـ أأاه
وكلّ يبكى على ليلاه.
دخلت الشادر .سارح وبافكر
واللى داخل ووشه متعكر
جالى شخص بالقهوة
هازيتله راسى بمتشكر
وعيل فى ديل أبوه متشعبط
وفجاءة الشيخ راح إتلغبط
واللى وراه الشادر بيغنى
ومعاه واحد بيعبط
وبتاع أنايبب وببخبط.
وابن المتوفى لهمومة شایل
ومعدى عفش بيتمايل.
وقريبه جانبه على الدمعه بيتحايل

وإلى يقوله متر عّش .
والله كله زایل .
وإلى مقاضیها جمایل
وواحد نايم وبیساقت
وإلى فى العفش بیتنطط
فاستغربت وأنا باصص حوالیه
وخبط إیدی فى رجليه
وقلت لنفسی بسخریة .
مفیش إحترام للموت .
لكن فجاءة .سكت الصوت
ولقيت الكل سكوت .
والشادر هُس هُس
ومفیهوش أى حِس
ولقيت إلی جاى علیا حافی
ووراه واحد متعافى .
فسألتهم بقلب صافى
یاریت تکلمونى
وتسیبوا هدومى وکتافى
قالولى شایفینک بتتبسم بعنیک .
وعلى رجلك كنت باتطبل .

وإحنا رجالة ولله عيبة مانتقبل !!
فامشييت وأنا وشى مدلدل
وسلمت على إلهى بيمثل
وإلهى بيسبل وإلهى بيهبل.
وعملت نفسى تايه بتأمل
وسألت نفسى ليه كلنا على بعضنا بنتجمل
من بعد ما الواحد كان للتانى بيكمل
دلوقت كل واحد فينا.
قاعد جوه سجنه. ومتكبل؟